

Qishloq hayoti

O'ZBEKISTON RESPUBLIKASI IJTIMOY-IQTISODIY GAZETASI

1974-yil 1-yanvardan chiqqan boshlagan

2023-yil 18-may, Payshanba

№ 21 (9237)-son

e-mail: infoqishloqhayoti@yandex.ru

@Qishloqhayoti_gazetasi

ЎЗБЕКISTON RESPUBLIKASI PREZIDENTI SHAVKAT MIRZIYEVNING YUROPA TIKLANISH VA TARAQIYOT BANKI BOSQARUVCHILAR KENGASHI YIGILIШИДАГИ HUTQI

Хурматли Рено-Бассо хоним! Хурматли Бруннер жаноблари! Хорижий ҳукуматлар, халқаро ташкилотлар ва дипломатик корпус вакиллари! Хонимлар ва жаноблар!

Европа тикланиш ва тарақиёт банки Бошқарувчилар кенгашининг бу йилги йиғилиши қадимий ва бетакор Самарқандда ўтказилаётганини биз мамлакатимизга, ислохотларимизга юксак ишонч ва эътибор ифодаси сифатида қабул қиламиз.

Ўзбекистонга хуш келибсиз! Бугунги анжуманни ўтказиш учун айнан Самарқанд шаҳри танлангани чуқур рамзий маънога эга, деб ўйлайман. Азал-азалдан Буюк ипак йўли чорраҳасида жойлашган ушбу азим шаҳар Шарқ ва Ғарб, Шимол ва Жанубни ўзаро боғлайдиган, Европа, Осиё ва Африка қитъалари ўртасида савдо-иқтисодий, маданий ва илмий-технологик алмашувлар макони бўлиб хизмат қилган.

Бу заминда турли цивилизациялар ўртасида юксак мулоқот маданияти шаклланиши билан биз доимо фахрланиб келамиз.

Дунёнинг барча минтақаларидан 2500 дан ортиқ меҳмонлар иштирок этаётган бугунги анжуман ана шу эзгу аънаваларни янги босқичда давом эттириб, халқларимиз ўртасидаги дўстлик ва ҳамжиҳатлик кўпригини мустаҳкамлайди, деб ишонаман.

Тобора кучайиб бораётган ҳозирги геосиёсий зиддиятлар даврида бундай очиқ ва яқин мулоқотлар, дўстона алоқаларни янада кенгайтириш барча мамлакатлар

учун албатта ниҳоятда зарур. Шу маънода, бугунги нуфузли анжуманнинг асосий мавзуси "Барқарорлик учун инвестиция", деб белгилангани катта аҳамиятга эгадир.

Барчангиз кўриб турибсиз, глобал иқтисодий муаммолар тобора авж олмақда. Иқлим ўзгариши ва экологик хатарлар кучаймоқда, табиий ресурслар эса камайиб бормоқда. Бундай мураккаб вазиятда бугунги ва келгуси авлодлар муносиб ҳаёт кечирishi учун янги технология ва лойиҳаларга кўпроқ инвестициялар киритиш талаб этилмоқда.

Шу нуқтаи назардан қараганда, ушбу муҳим анжуман давлатлар ўртасидаги кўп қиррали ва узоқ мuddатли алоқаларни янги босқичга олиб чиқади, иқтисодийларимиз ривож учун сарможаларни янада кўпайтиради, барча аъзо мамлакатлар тарақиётига беқиёс ҳисса қўшади.

Азиз дўстлар! Ўзбекистонда Европа тикланиш ва тарақиёт банкининг бундай форматдаги йиғилиши ролпа-роса 20 йил олдин бўлиб ўтган эди. Бугунги анжуманда янги меҳмонлар билан бирга, аввалги йиғилишда қатнашган иштирокчиларни ҳам кўриб турибман.

Шу ўринда бир фикрни алоҳида таъкидлаб айтмоқчиман: бугунги Ўзбекистон – кечаги Ўзбекистон эмас.

Олти йил муқаддам бошлаган қатъий ислохотларимиз натижасида мамлакатимизнинг қиёфаси бутунлай ўзгарди. Бугун

сиз, азизларни мутлақо янги муҳитда – дунёга кенг очилаётган, барча соҳаларда ҳамкорлик учун тайёр бўлган Янги Ўзбекистонда қабул қилаётганимиздан ғоят мамнунмиз.

Сўнги йилларда юртимизда инсон қадрини улуғлаш, аҳоли манфаатларини таъминлаш, иқтисодий эркинлаштириш ва жаҳон бозорларига дадил кириб бориш бўйича салмоқли ютуқларга эришдик, деб айта оламиз. Жумладан, инсон ҳуқуқларини амалда энг олий қадрият даражасида таъминлаш мақсадида мажбурий меҳнат ва болалар меҳнатига тўлиқ барҳам берилди. Сўз ва эътиқод эркинлиги, гендер тенгликни таъминлаш бўйича эришган амалий натижаларимиз халқаро ҳамжамият томонидан эътироф этилмоқда.

Мамлакатимизда илк бор камбағаллик мавжудлигини тан олдиқ ва уни қисқартириш учун самарали тизим яратдик. Бу тизим билан давлат кўмағига муҳтож оилалар тўлиқ қамраб олинди.

Шу билан бирга, қонун устуворлигини таъминлаш, суд мустақиллиги ва одил судлов институтини мустаҳкамлаш, хусусий мулк дахлсизлигини қафолатлаш борасидаги ислохотларни қатъий давом эттиряпмиз.

Аҳоли ва тадбиркорлар манфаатларини ишончли ҳимоя қиладиган тизим – маъмурий судлар ташкил этилди. Жамиятда коррупцияга муросасиз бўлиш муҳитини шакллантириш энг устувор вазифаларимиздан бирига айланди.

Хорижий инвестор ва ҳамкорларимиз узоқ кутган енгиллик ва имкониятлар иқтисодий ислохотларимизда ўз аксини топмоқда.

Валюта тизими эркинлаштирилгани, ташқи бозорларга чиқиш бўйича тўсиқлар олиб ташлангани, 7 мингдан зиёд хомашё ва товарларга божхона божлари бекор қилингани натижасида ташқи савдо айланмаси икки қарра ошди.

Шу билан бирга, солиқ юки қарийб 2 баробар камайгани, солиқ маъмуричилиги соддалашгани, Ўзбекистонда минтақамиздаги энг жозибадор фискал тизим шаклланиши халқаро ташкилотлар томонидан эътироф этилмоқда.

Ислохотларимизга ишонч ортгани туфайли йиллик хорижий сарможалар ҳажми 2017 йилга нисбатан 3 баробар кўпайди.

Умуман, мамлакатимизда қулай бизнес муҳити яратилгани натижасида тадбиркорлар сони 4 баробар ошди.

Энг муҳими – сиёсий ва иқтисодий ислохотларимизни халқимиз тўлиқ қўллаб-қувватламоқда.

Яқинда умумхалқ референдумида қабул қилинган янгиланган Конституциямизда ислохотларнинг орта қайтмаслиги ва бардавом бўлиши қатъий қафолатланди.

Бир сўз билан айтганда, биз ўзимиз танлаган, узоқ мuddатли мўлжалланган очиқлик ва барқарор тарақиёт йўлидан оғизмасдан, янада дадил олдинга борамиз.

(Давоми 2-саҳифада)



ТОШКЕНТ ВИЛОЯТИ

Пресс-тур

Enter Steel va Enter SOLAR Green Energy ФАОЛИЯТИ ЖУРНАЛИСТЛАР НИГОҲИДА

Мамлакатимизнинг sanoat салоҳияти, жумладан, бу ишларда Enter Engineering Компаниялари гуруҳининг иштироки салмоғи билан кенг жамоатчиликни таништириш мақсадида Тошкент вилоятининг Янгийўл шаҳрида жойлашган Enter Steel ва Enter SOLAR Green Energy машинасозлик заводларига пресс-тур ташкил этилди.

ОАВ вакиллари эътиборига дастлаб Enter Steel заводининг нисбатан қисқа вақт ичида металл конструкциялар, кўприкчи ва чорпоя кранлар, босим остида ишловчи сигимлар ва аппаратлар ишлаб чиқариш бўйича йилга 25 мингта маҳсулот қувватига эга Ўзбекистондаги энг йирик корхонага айлангани ҳақида ҳикоя қилувчи тақдирот ҳавола этилди. Англаш мумкин, заводнинг қуввати ва салоҳияти йилдан йилга ортиб бормоқда. Унинг филиали Олмалиқ шаҳрида



ишламоқда, Бухоро вилоятида эса "Enter Steel Karakul" янги заводи қурилмоқда, заводда ишлаб чиқариладиган маҳсулотлар Чирчиқ шаҳрида жойлашган заводга тегишли конструкторлик бюросида яратилмоқда. Асосий эътибор ишлаб чиқарилаётган маҳсулотларнинг сифат кўрсаткичлари бўйича жаҳон стандартларига мос бўлишига қаратилмоқда. Бунинг натижаси ўларок, завод маҳсулотлари ASME, ISO, IQNet каби халқаро сертификатларига эришган.

Меҳмонлар заводнинг цехларида бўлиб, ишлаб чиқариш жараёнларини яқиндан кузатиш, ходимлар билан танишиб, етакчи мутахассислар билан суҳбатлашдилар.

(Давоми 2-саҳифада)

МЕҲМОН КУТАР НАМАНГАН, ГУЛЛАР ТУТАР НАМАНГАН

Наманганда 62-бор ўтказилаётган халқаро гуллар фестивалига ҳар қачонгиданда пухта ҳозирлик кўрилди. Бугун вилоятнинг нафақат гул байрами ўтадиган боғлари, унинг кўча, гузар, хиёбонлари "Шоҳи сўзана" тўшалган макон қиёфасини олган, десак муболаға қилмаган бўламиз.



Қолаверса, байрамга вилоятнинг ижод аҳли ҳам муносиб совға ҳозирлади. Нозимжон Тошпўлатов раҳбарлик қиладиган вилоят музыкали драма театри жамоаси дунё аҳлини гуллар юртига чорловчи янги кўшиқ яратиш устида иш олиб бориб, эзгу мақсадларига етди. Шоир, журналист, "Эл-юрт хурмати" ордени соҳиби Равшанбек Мирзаолимовнинг "Сизни кутар Наманган, гуллар тутар Наманган" шеърига

таниқли санъаткор Ҳамиджон Маллабоев томонидан мусиқа басталанди. Тўйга тўёна бўлган янги кўшиқни театрнинг хушовоз хонандалари моҳирона ижро этишди.

Наманганликлар дунё аҳли ва юртдошларимизни навбатдаги халқаро гуллар фестивалига чорлаб қолади.

Абдурашид УБАЙДУЛЛАЕВ, меҳнат фахрийси, "Содиқ хизматлари учун" медали соҳиби.



САМАРҚАНД ВИЛОЯТИ

РАВОН ЙЎЛЛАРДА ОЛИС МАНЗИЛЛАР КЎЗЛАНАДИ

Йўллар хусусида гап кетгудек бўлса, кўпинча йиллар ва йўллар сўзлари кетма-кетлиги ёдга тушади. Бунинг боиси шундаки, иккала сўз ҳам қайсидир маънода бир-бирига узвий боғлиқ. Умримиз йиллари йўлларда кечади, йиллар йўлларга сочилгандек гўё. Йиллар ўтиши баробарида йўллар таъмирга муҳтож бўлиб қораверади. Бугун текис, равон қилиб таъмирланган йўл маълум бир мuddат ўтиб яна таъмирга, қаровга муҳтож ҳолатга келади. Шунинг учун ҳам йўлсозлар иши тугамайди, қишин-ёзин давом этаверади.

(Давоми 2-саҳифада)

УММОН ОРТИ ТААССУРОТЛАРИ

рининг аксарияти шунчаки ишқмас кишилар бўлмай, шудгорга пешона тери ва меҳрини, кучини ўғит қилган асл деҳқонлар, фермерлар эканлигини англаш қийин эмас. Бу уларнинг бироз одми, оддий кийинишларидан, содда ва тўғрисиқликлари билан билдирилади. Аини пишиқчилик пайтларида далада мева-чева, қовун-тарвуз, ошқовоқ ва бошқа турли ноз-неъматлар сероб бўлади, оёқ босарга жой топилмайди. Хуллас, Америкада ҳаммаси антика, ажабтур. Одамни ҳайрат бармоғини тишлашга ундайди. Аслида америкаликлар ўз кадр-қийматини

биладиган, инсоний гурурини ҳис этадиган кишилардир.

Лос-Анжелес шаҳридан унча узоқ бўлмаган масофада Десконса отлиғи миллий боғ бор. Бир учи салобатли ва маҳобатли Голливуд тоғларига туташиб кетган. Бу ерга дунёнинг барча бурчагидан дарахт ва буталар келтирилиб, ўтқазилган. Боғ ажабтур, узу кун қушлар чуғури тинмайди. Боғда ишловчилар емиш илинжида тоғдан энган жониворларнинг қорнини бажонидил туйғизади. Десконса боғидаги ўриндиқда ўтирганимизда гап бўлинди. Эндрю амаки мулоим, беозор жилмайиб, бош ирғади. Шун-



да Эндрю амаки улар билан чор-атроф кетди. У бунга жавобан жилмайди, шундоқина елкасига келиб кўнган қирғининг бошини силаб эркаларан бўлди ва унга алланарсалар деб сўз қотди. Унинг бўйи дароз, қотмадан келган, қиёфаси мардона ва қатъиятли. Десконса миллий боғидаги ўриндиқлар завқ-шавққа тўлиб-тошган кўнгилларга тўла эди.

Эндрю амаки улар билан чор-атрофни муҳофаза этиш, ердан имкон қадар расамади билан фойдаланиш, экологик муаммолар юзасидан, тагин алланарсалар ҳақида гурунлашди, кимлардир унинг ёш ва соғлом кўриниши ҳақида мақтовлар ёғдирди. Ростдан ҳам, Эндрю амаки керакли одам.

(Давоми 3-саҳифада)

Марказий Осиёда ягона ҳисобланган заводда 25 йиллик фойдаланиш муддати қафолатланган куёш панеллари тайёрланади

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ЕВРОПА ТИКЛАНИШ ВА ТАРАҚҚИЁТ БАНКИ БОШҚАРУВЧИЛАР КЕНГАШИ ЙИГИЛИШИДАГИ НУТҚИ

(Боши 1-саҳифада)

Биринчи. Мамлакатимизда инвестиция ва ишбилармонлик муҳитини яхшилаш, инвесторларга янада қўлай шароитлар яратишни яхлит тизим асосида амалга оширамиз.

Бу борада Ўзбекистон Республикаси Президенти ҳузуридаги Хорижий инвесторлар кенгаши чет эллик сармоядорлар билан бевосита мулоқотни йўлга қўйиб, ўзаро манфаатли лойиҳалар ва узоқ мuddатли стратегияларни биргаликда ишлаб чиқишда ҳал қилувчи бўлин бўлади.

Ҳеч шубҳасиз, Европа тикланиш ва тараққиёт банки билан бирга ташкил этилган ушбу мулоқот платформаси биз учун янги тажрибалар орттиришга хизмат қилади ва қўшимча имкониятлар яратади, ислохотлар жараёнида замонавий ёндашувларни жорий этишга кўмаклашади.

Инвесторлар қаерда бўлмасин, Инвестициялар, саноат ва савдо вазирлигида ташкил этилган “ягона дарча” орқали – 14 та ҳудуд, 208 та туман ва шаҳарда ҳамда Ўзбекистоннинг хориждаги барча дипломатик ваколатхоналарида уларга зарур кўмак ва хизматлар кўрсатилади.

Шунингдек, йил якунигача халқаро экспортлар билан ҳамкорликда тарихимизда илк бор Халқаро тижорат суди фаолияти йўлга қўйлади.

Иккинчи. Биз товарлар, хизматлар, капитал ва меҳнат бозорларини янада эркинлаштириш сўбатини жадал давом эттирамиз. Жумладан, дунёдаги ишлаб чиқариш занжирларига қўшилиш мақсадида Жаҳон савдо ташкилотига аъзо бўлиш учун катта қадамлар ташладик. Ушбу йўналишда бу йил салмоқли натижаларга эришамиз, деб ишонамиз.

Учинчи. Ортиқча бюрократияни қисқартириш ва коррупцияни таг-томири билан йўқ қилиш бундан буён ҳам давлатимиз ва жамиятимизнинг диққат марказида бўлади.

Бу борада бошланган маъмурий ислохотларни изчил давом эттириб, инсон ва бизнесга кўмаклашадиган, уларга сифатли хизмат кўрсатадиган илҳам ва самарали давлат бошқаруви тизимини жорий этамиз.

Хурматли банк бошқарувчилари!

Бир фикрни очиқ айтишимиз керак, ислохотларимизни амалга ошириш ва ҳозирги натижаларга эришишда халқаро ҳамкорларимизнинг кўмаги биз учун жуда муҳим аҳамиятга эга бўлмоқда.

Бугун қатъий ишонч билан айта оламиз – Ўзбекистонни барқарор ривожлантириш йўлида Европа тикланиш ва тараққиёт банки бизнинг стратегик ҳамкоримизга айланади. Айниқса, банкнинг мамлакатимиздаги лойиҳалар портфели 4 миллиард евродан ошгани, шундан 3,3 миллиард евролик лойиҳалар

сўнгги тўрт йилда бошлангани бу фикрни яққол тасдиқлайди.

Ўтган йил якуни билан Ўзбекистон банкнинг бешта энг асосий ҳамкорлари қаторига кирди. Йиллик инвестиция ҳажми бўйича эса, унинг Марказий Осиёдаги энг йирик бизнес шеригига айланди.

Энг муҳими, банк билан хусусий секторни ривожлантириш борасидаги ёндашув ва мақсадларимиз ҳам уйғун ва ҳамохандир. Ҳозирги вақтда мамлакатимизда банк лойиҳаларида хусусий бизнеснинг улуши 55 фоизга етгани ҳам шундан далолат беради.

Айниқса, бугунги кунда ўта долзарб бўлган “яшил энергия”, ичимлик суви, йўл-транспорт инфратузилмаси, экология каби соҳаларда ҳамкорлигимиз жадал ривожланмоқда. Хусусан, қайта тикландиган энергия соҳасида банкнинг 600 миллион евро маблағлари иштирокида йирик лойиҳаларни бошладик. Бундай фаол ҳамкорлигимиз иқтисодиётимизга бошқа хорижий инвесторларни жалб этишда ҳам “катализатор” бўлиб хизмат қилмоқда.

Фурсатдан фойдаланиб, бизни қўллаб келаётган Европа тикланиш ва тараққиёт банки раҳбарияти, айниқса, банк президенти Рено-Бассо хонимга, банкка аъзо давлатлар ҳукуматлари ва бошқарувчиларига, банк билан ҳамкор ташкилотлар ва инвесторларга, биз билан биргаликда лойиҳаларни амалга ошираётган барча банк ходимларига чуқур миннатдорчилик билдираман.

Хурматли дўстлар!

Биз бундан буён ҳам ислохотларимизни давом эттиришда ривожланиш борасидаги халқаро ташкилотлар, жумладан, Европа тикланиш ва тараққиёт банки билан қўйидаги йўналишларда ҳамкорликка таянамиз.

Биринчидан, биз мамлакатимизнинг барқарор иқтисодий ўсишини таъминлашда фақат ва фақат хусусий секторга таянамиз. Шу боис, келгуси тараққиётимиз хусусийлаштириш жараёнлари билан ҳамкорликка боғлиқ эканини яхши тушунамиз.

Бу борада корхоналардаги давлат улушларини сотиш, стратегик компаниялар ва йирик банкларнинг акцияларини очиқ савдога чиқариш бўйича йил бошида катта марраларни олдик. Хусусан, илк бор иқтисодиётимиз учун стратегик аҳамиятга эга 40 та корхона “IPO”га олиб чиқилди.

Ушбу йўналишда Европа тикланиш ва тараққиёт банки билан катта дастури амалга оширамиз.

Биргина мисол, мамлакатимизнинг энг йирик банклари – “Узсаноатқурилишбанк”и ва “Асака” банкни хусусийлаштириш бўйича Европа тикланиш ва тараққиёт банки билан фаол иш олиб бораёмиз. Шу билан бирга, мамлакатимизнинг табиий ресурсларидан

самарали фойдаланиш, энг замонавий технологиялари бор инвесторларни жалб этиш бўйича банк билан алоҳида дастури бошладик.

Биз камбағалликни қисқартириш бўйича олдимизга катта марраларни қўйдик. Уларга эришиш учун тадбиркорларга янги-янги имконият ва шароитлар яратамиз. Шу мақсадда кичик ва ўрта бизнесни молиявий қўллаб-қувватлаш бўйича банк билан ҳамкорликни янада кенгайтиришдан манфаатдоримиз.

Иккинчидан, инфратузилма, тиббиёт, таълим, транспорт, экология каби давлат иштирокидаги соҳаларда давлат-хусусий шериклик лойиҳаларини кенгайтириш.

Бу борада банк билан мамлакатимизда илк бор Наманганд ичимлик суви тармоғини бошқариш, Тошкент – Самарқанд замонавий магистрал автомобиль йўлини қуриш лойиҳаларини бошлаяпмиз.

Салоҳияти юқори бўлган туризм соҳасида ҳам давлат-хусусий шерикликни кенгайтираамиз. Ўйлайманки, сизлар Самарқандда бўлиб, мамлакатимизнинг туризм борасида қандай катта истиқболга эга эканини ўзингиз ҳис қилиб турибсиз.

Умуман, мазкур анжуман доирасида солиқни сақлаш, таълим, инфратузилма, транспорт, энергетика соҳаларида 40 дан ортиқ йирик давлат-хусусий шериклик лойиҳалари тақдими ўтказилди. Ушбу лойиҳалар сизларда катта қизиқиш уйғотишига ишончим қомил.

Учинчидан, “яшил иқтисодиёт”, айниқса, “яшил энергия” соҳаларини жадал ривожлантириш.

Биз 2030 йилга қадар электр энергияси ишлаб чиқаришда қайта тикланувчи энергия манбалари улушини 40 фоизга етказишни режа қилганмиз. Бу борада Европа тикланиш ва тараққиёт банки билан шу йилнинг ўзида умумий қуввати 1,2 гигаватт бўлган 3 та йирик куёш станцияси барпо этилади.

Шу билан бирга, бугунги анжуман бўлиб ўтаётган кўхна Самарқанд яқинда банкнинг “яшил шаҳарлар” дастурига киритилди. Биз Нукус, Андижон, Бухоро ва Наманган каби шаҳарларимизни ҳам ушбу дастурга кириштиришда банкнинг кўмаги таянамиз.

Тўртинчидан, биз Янги Ўзбекистонда аёллар тадбиркорлигини янада қўллаб-қувватлаш, уларнинг гоё ва ташаббусларини рўёбга чиқариш учун тенг имкониятлар яратишга алоҳида эътибор қаратяпмиз.

Бу борада банк билан хотин-қизлар бандлигини таъминлаш, уларнинг иқтисодий фаоллигини ошириш бўйича амалга ошираётган дастурларимиз алоҳида эътиборга сазовордир. Бундай лойиҳаларни кескин ошириш бўйича банк билан ҳамкорлигимизни янада

кенгайтираамиз.

Бешинчидан, банк билан бирга илгор агротехнологиялар, сувни тежаш ва озиқ-овқат хавфсизлигини таъминлаш бўйича яна кўплаб янги лойиҳаларни амалга оширишга тайёрмиз.

Глобал озиқ-овқат тақчиллиги билан боғлиқ муаммолар кучайиб бораётган ҳозирги шароитда бундай лойиҳалар банк учун ҳам, инвесторлар учун ҳам жуда фойдали бўлади, деб ҳисоблайман.

Хурматли анжуман қатнашчилари! Биз Марказий Осиёда ҳамкорликни ривожлантиришни Янги Ўзбекистон ташки сийсатининг энг устувор йўналишларидан бири сифатида белгилаб олганмиз.

Минтақа давлатлари раҳбарларининг қатъий сийсий иродаси ва изчил саъй-ҳаракатимиз натижасида бугун Марказий Осиё янхи қўшничилик ва шерикликнинг ёрқин намунасига айланиб бормоқда. Жумладан, қўшниларимиз билан иқтисодий муносабатларни кенгайтириш мақсадида биз қўшма инвестиция фондларини ташкил этдик, саноат, энергетика, транспорт ва сув хўжалигида бир қатор йирик лойиҳаларни бошладик. Европа тикланиш ва тараққиёт банки ҳамда бошқа хорижий ҳамкорларимизни бундай минтақавий лойиҳаларда фаол иштирок этишга тақлиф этамиз.

Муҳтарам хонимлар ва жаноблар! Сўзимнинг якунида яна бир фикрни алоҳида таъкидламоқчиман: бугунги халқаро анжуман Европа тикланиш ва тараққиёт банки билан мамлакатимиз ўртасидаги ҳамкорликни янги поғонага олиб чиқиш учун тарихий имконият яратмоқда.

Самарқандга 71 та мамлакат ҳукуматлари вакиллари ташриф буюргани ҳам ушбу давлатлар билан ўзаро манфаатли лойиҳаларни бошлашга катта туртки беришига аминман.

Бугунги “Ўзбекистон инвестиция тақдими”да мамлакатимиз бизнес соҳасида қандай катта имкониятларга эга экани атрофлича кўрсатиб берилди. Бундан ташқари, анжуман доирасида бўлиб ўтаётган сессия ва учрашувларда сизларга янги лойиҳалар батафсил тақдим қилинади.

Шу кунларда анжуманнинг ҳар бир иштирокчиси Ўзбекистондаги янги бизнес йўналишларини ўзи учун кашф этишига ишонаман. Шу билан бирга, юртимизнинг қадимий тарихи, бетақор маданият мероси, халқимизга хос меҳмондўстлик ва очиққўнгиллик фазилатлари сизларда унутилмас таассуротлар қолдиради, деб ўйлайман.

Барчангизга мустаҳкам соғлиқ, фаолиятингизда катта ютуқ ва омадлар, анжуман ишига эса муваффақиятлар тилайман.

Эътиборингиз учун раҳмат.



Enter Steel ва Enter SOLAR Green Energy фаолияти журналистлар нигоҳида

(Боши 1-саҳифада)

Махсулотлар сифати қай даражада синчковлик билан текширилиши заводнинг Марказий лабораториясида ўз кўзлари билан кўрдилар. Бу ерда меҳмонларга Испаниянинг Ibertest бренди ишлаб чиқарган физикавий-механикавий синовлар учун мўлжалланган аппаратларида металлнинг сифатини текшириш жараёни кўргазмали тарзда намойиш этилди.

Пресс-тур дастурида белгиланган яна бир манзил – жорий йилда қурилган ва айни пайтда ишга тушириш-созлаш жараёнлари олиб борилаётган завод бўлди. Замонавий инновацион технологиялар билан жиҳозланган ушбу завод Марказий Осиёда ягона ҳисобланади. Бу ерда 25 йиллик фойдаланиш муддати қафолатланган куёш панеллари тайёрланади, улар келгусида мамлакатимизда бунёд этилажак фотоэлектрик станциялар (ФЕК)га ўрнатилиши режалаштирилган. Журналистлар яқинда монтаж ишлари якунланган Esoprogetti (Италия)нинг автоматлаштирилган линияси иши билан танишдилар, мутахассислардан ўзларини қизиқтирган саволларга жавоб олдилар.

Қайд этиш жоизки, бугун бу ерда мингга яқин ишчи ўрни яратилгани ҳам Enter Steel ва Enter SOLAR Green Energy заводларининг юксак ижтимоий аҳамиятини тасдиқлайди.

Ўз мухбиримиз



ФАРҒОНА ВИЛОЯТИ

ТУРКСАРОЙ ВА ҚЎҚОНСОЙ ГИДРОЧАСТКАЛАРИДА ИШЛАР ҚИЗГИН

Сўх-Оқтепа ИТБга қарашли Турксарой сув тақсимлаш бўлими пешқадам меҳнат жамоаларидан ҳисобланади. Сув тақсимлаш бўлими ишчиларининг шу кунларда олиб бораётган ишлари жуда тизимли. Негаки, ҳали Сўх дарёсида сув кўпайгани йўқ, мавжуд сув эса талаб даражасидан паст.

– Тизимли вазиятдан оқилон чиқиш учун туманлар ўртасида уч кундан сув навбати йўлга қўйилди, – дейди участка бошлиғи Умиджон Саидов. – Ана шу усул қўл келаёттир. Июнь ойига бориб баланг тоғларнинг музлари эрий бошгандангина дарё сувлари пўртана бўлиб кўлириб оқади. Неча ойлардан бери сув тегмай, қақраб ётган дов-дараклар ҳам, уватдаги қўшимча ерлар ҳам сувга қонади. Биз ҳозир Қўқонсой магистрал каналини жорий таъмирлаш ишларида қатнашаяпмиз. Фермерларга ажратилган сувларни тақсимлаб, уни етказиб беришни таъминлаяпмиз ва ҳозирги кундаги муҳим вазифалардан бўлган ёрдамчи хўжалик ишларини самарали юритмоқдамиз. Ёрдамчи хўжалигимиз ёр майдони 0,70 гектарни ташкил этади.

Унда етиштирилаётган турли озиқ-овқат махсулотлари, эртапишар мевадари дараклардан териб олинаётган гилос, ўрик мевалари ишчилар дастурхонини беэмомқда. Умиджон Саидов ирригация тизимида 10 йилча ишлаб чиқариш бўлимини бошқарган. У бошлиқ жамоанинг энг муҳим вазифаси сувни тежаш-тергаб фойдаланишга эришиш, сув иншоотларини ўз вақтида таъмирлаш, вегитация даврида экинзорларга лимит бўйича ажратилган сувни етказиб беришдан иборатдир.

Сирдарёнинг тепа қисмида жойлашган Дангара туманига қарашли 4 минг гектар атрофидаги экинзорларини суғоришга ва Катта Фарғона каналини тўйинтиришга хизмат қилувчи Қўқонсой магистрал канали бугунги кунда жорий таъмирланмоқда. Бу канал 7,6 километр масофага чўзилган. Асосан тошлоқ ва адирлардан тез оқиб келувчи сув каналнинг киргоқларини ва тагини тешиб юборган. Канал тез-тез таъмирлаб турилмаса, сувнинг йўқолиш даражаси ортади.

Каналнинг жорий таъмири учун Сўх-Оқтепа ИТБ маблағ ажратган бўлиб, барча гидроучасткалардан 70-80 киши ҳашарда қатнашмоқда. Керакли техникалар жалб қилинган учун ишда унум бўлаёттир.

ҲАМИДЖОН БУРҲОНОВ, “Qishloq hayoti” мухбири.

Эълон

Сурхондарё виллояти Термиз шаҳри Муҳофафа бўлими томонидан 29.03.1957 йилда туғилган Ҳаджанов Илхом Турсуновичга 19.09.1991 йилда берилган А № 670132 рақамли, имтиёзга эга бўлган гувоҳнома йўқолганлиги сабабли бекор қилинади.

(Боши 1-саҳифада)

Текис, равон йўллар манзилларни яқин қилса, носозу нобон йўллар доимо аҳолининг ҳақли эътирозларига сабаб бўлиб келган. Шунинг учун ҳам мамлакатимизда сўнгги йилларда йўлсозлик соҳасини ривожлантириш, йўлларни халқаро талаблар даражасига келтириш, ички йўлларни навбатманавбат тартибга келтиришга алоҳида эътибор қаратилмоқда. Йўлсозлар томонидан замонавий йўл, йўл ўтказгич, кўприк, пиёдалар учун ер ости ва ер усти йўллари бунёд этилаёттирки, буларнинг барчаси аҳолининг узоғини яқин қилмоқда. Буни Самарқанд виллояти Боғишамол йўллардан мунтазам фойдаланиш унитар корхонаси жамоаси томонидан амалга оширилаётган ишлар мисолида ҳам кўришимиз мумкин.

Корхона жамоаси биргина ўтган йилнинг ўзида А-378 “Самарқанд-Ғузор” автомобиль йўлининг 0-57 км. қисмларида салкам бир миллиард сўмлик жорий таъмирлаш ишларини олиб боришди. Бунда эскирган, яроқсиз қопламалар, чуқурчалар ҳосил бўлиб бузилган йўлларга асфальтобетон қопламалари ётқизилди. Эскирган йўл белгилари янгиларига алмаштирилди, қопламаларга ётиқли чиқиқлар, пиёдалар ўтиш



РАВОН ЙЎЛЛАРДА ОЛИС МАНЗИЛЛАР КЎЗЛАНАДИ



жойлари чизилди ва бошқа таъмирлаш ишлари бажарилди.

Худди шунингдек, 4Р-46 “Самарқанд ш.-Жума ш.-Каттақурғон ш.” автомобиль йўлининг 0-65 км. қисмларида ҳам жорий таъмирлаш ишлари бажарилди. Автомобил йўллари бош бошқармаси томонидан 990 миллион сўм лимит ажратилиб, шартнома тузилган эди. Шу маблағ тўлиқ сарфлангани эвазига бу йўллардаги эскирган, яроқсиз қопламалар ва қопламалардаги чуқурчалар ҳосил бўлиб бузилган йўлларга асфальтобетон қопламалари ётқизилди. Эскир-

ган йўл белгилари алмаштирилиб, қопламаларга зарур чиқиқлар чиқиш ишлари бажарилди.

Пудрат ишлари бўйича Самарқанд виллояти Автомобил йўллари бош бошқармаси томонидан шартнома тузилиб, М-37 А “Самарқанд ҳалқа йўли” автомобиль йўлининг 33-41 км.



Оралиғида 103 миллиард 600 миллион сўмлик жорий таъмирлаш ишлари бажарилди. Яъни, М-37 А “Самарқанд ҳалқа йўли” автомобиль йўлининг 33-41 км. қисмлари автомобиль йўллари кенгайтирилиб, қопламалар ётқизилди. Қолаверса, йўл ёқаларида кўкаламзорлаштириш ишлари ҳам олиб борилиб, четдан келтирилган хар хил турдаги манзарали дараклар ва буталар экилди. Пиёда ва велойўлаклар, тратуарлар қурилди, замонавий темир йўл тўсиқлар ўрнатилди.

Ўтган йили Боғишамол йўллардан мунтазам фойдаланиш унитар корхонаси томонидан халқаро ва давлат аҳамиятидаги автомобиль йўлларида жами 105 миллиард 580 миллион сўмлик ишлар бажарилди. Туман, шаҳар ички автомобил йўлларида ҳам муайян таъмирлаш ишлари олиб борилди. Самарқанд шаҳри ҳамда Ургант туманидаги ички йўлларда жами 6 миллиард 113 миллион сўмдан ортиқ ишлар бажарилди. Аниқ рақамларда келтирилган бўлсак, ўтган йил давомида унитар корхона жамоаси томонидан 111 миллиард 700 миллион сўмга яқин ишлар бажарилди.

– Жорий йилда ҳам ўлган режаларни ўз олдимизга қўйганмиз, – дейди Боғишамол йўллардан мунтазам фойдаланиш унитар корхонаси директори Алишер Ҳасанов. –Жумладан, ҳозиргача Самарқанд шаҳар ички йўлларига 21 минг 507 метр узунликда асфальтобетон қопламаси ётқизилиб, бунинг учун қарий 5 миллиард 103 миллион сўм маблағ сарфланди. Йил якунига қадар халқаро ва давлат аҳамиятидаги автомобиль йўллари ҳамда ички йўлларда 50 миллиард сўмлик асфальтобетон ётқизиш ишлари бажарилиши режалаштирилган.

ОРИФ ЖУМАНОВ, “Qishloq hayoti” мухбири.

Ўқув қўлланмалар соҳа вакилларига иш фаолиятида асқотади

ҚАШҚАДАРЁ ВИЛОЯТИ

ДАРС СИФАТИНИ ОШИРИШДА ҚАНДАЙ ИЛГОР ПЕДАГОГИК ТЕХНОЛОГИЯЛАРДАН ФЙДАЛАНИШ МУМКИН?

Маълумки, барча ёшдаги ўқувчилар ноанъанавий дарс шакллари еътиради. Шунинг учун гуруҳларда ишлаш мавзуларни ўзлаштириш ва қайта эсга олишга ёрдам беради.

Гуруҳларда ишлаганда интерфаол усуллардан фойдаланиш яхши самара беради. Масалан, "Зинама-зина" методи ўқувчиларни ўтилган ёки ўтилиши керак бўлган мавзу бўйича якка, кичик жамоа бўлиб фикрлаш ҳамда хотирлаш ва ўзлаштирилган билимларни ёдга тушириш, фикрларни ёзма, чизма, расм кўринишида ифодалашга ўргатади. Ўқувчиларни эркин, мустақил ва мантқиқий фикрлашга, жамоа бўлиб ишлашга, изланишга, фикрларни жамлаб, улардан назарий ва амалий

тушунча ҳосил қилишга, жамоага ўз фикри билан таъсир эта олишга, уни маъқуллашга ўргатади, ёзма ва оғзаки нутқини оширади.

"Ақлий ҳужум" методи эса ҳар бир фан ўқитувчиси ўз фанидан келиб чиқиб, дарс ўтиш жараёнида қўлланила билади ва бу ҳам яхши натижа беради. Бунда дастлаб ўқувчиларга муаммоли саволлар берилса ва уларнинг фикр ва фикрлар тингланади. Билдирилган ғоя ва фикрлар муҳокама ва танқид қилинмайди. Сунгра ўқувчиларнинг

фикрлари ўқитувчи томонидан умумлаштирилади.

Самарали ташкил этилган ҳар бир дарс ёшларнинг эркин фикрлаш, мустақил ишлаш қўлимасини ҳосил қилишда асосий ўрин тутати. Ана шундай усуллардан фойдаланиш ўқувчиларда фанга бўлган қизиқишнинг ортишига сабаб бўлади.

Азамат МАВЛОНОВ, Зулфия МАВЛОНОВА, Ғузур туманидаги У.Уватов номли 1-ИДУМ ўқитувчилари.

Илдан яхшироқ хазина бўлмас, қўлингдан келганча тера олсанг бас.

А.РУДАКИЙ

Ҳа, кутубхоналарни ҳақли равишда маданият пойдевори, дея эътироф этиш мумкин. Зеро, кутубхоналар ҳақида сўз юритар эканмиз, албатта, уларнинг ривожланишида кутубхоначи-библиографларнинг хизматларини таъкидлаб ўтиш зарур.



Кутубхона – МАДАНИЯТ ПОЙДЕВОРИ

Шу ўринда Қишлоқ ҳўжалигида билим ва инновациялар миллий маркази тизимида фаолият юритиб келаётган, ташкил топганига салкам бир аср бўладиган Республика илмий қишлоқ ҳўжалиги кутубхонасида кўп йиллар фидокорона меҳнат қилган кутубхоначилар ҳақида гапириб ўтишни лозим топдик. Н. Еремянц, О.Никольская, Р.Отажонов, О.Татарина, Х.Умарова, Т.Қосимов, К.Мирзаева, Г.Носирова, Л.Тюленова, Х.Каримбоева, С.Очилдиев, С.Ниязова, М.Ниязова, М.Исҳоқова, М.Ҳасанова, М.Раҳимжоннова каби малакали мутахассислар ўтган асрда китобларни тарғиб қилишда самарали хизмат кўрсатганлар. Улар нафақат маҳаллий китобхоналарга, балки ўтган асрнинг 70-80 йилларида юртимизда таҳсил олган Африка, Нигерия, Вьетнам каби хорижий давлатлардан келган талабаларга қишлоқ ҳўжалиги фанининг барча соҳалари бўйича илмий нашрлардан фойдаланишларида собиқ иттифоқ Республикаларидаги қишлоқ ҳўжалиги

кутубхоналари билан кутубхоналарро абонемент (МБА) орқали китоб алмашиувини йўлга қўйиб, уларнинг қизиқиши, эҳтиёжларидан келиб чиқиб кўмак берганлар. Малакали мутахассислар томонидан ўз даврида қўриқ ерларни ўзлаштиришга мўлжалланган қатор китоб ва мақолаларнинг қирқдан ортиқ мавзули библиографик кўрсаткичлари тузилган. Бунда китобхоналар томонидан "тирик энциклопедия", деб ном олган "Библиография ва илмий ахборот бўлими" бошлиги Н.К.Еремянц бошчилигидаги библиография ходимларининг хизмати катта. Илмий кутубхонадаги манбалардан фойдаланган ҳолда кўпгина олимлар номзодлик ва докторлик диссертацияларини ёқлашган.

Бугунги кунда кутубхоначилик тизимида ҳам изчил ислохотлар олиб борилмоқда. Бунда асосий эътибор китобларни каталоглаштиришни автоматлаштириш (электрон каталог яратиш), кутубхона фондларини рақамлаштириш-сканерлаш, сканерланган электрон PDF-китобларни

кутубхона тизимидаги дастурларга улаш, электрон нашрларни жамлаш, библиографик маълумотлар базасини шакллантиришга қаратилди. Китобхоналарга ижтимоий тармоқларда масофадан туриб хизмат кўрсатиш ишлари йўлга қўйилди. Бу анъанавий кутубхона хизматидан воз кечиш дегани эмас, албатта. Балки, замонавий воситалар ёрдамида одамларни китобга яқинлаштириш, билим олишга бўлган эҳтиёжини қондиришди.

Президентимизнинг 2019 йил 7 июндаги "Ўзбекистон Республикаси аҳолисига ахборот-кутубхона хизмати кўрсатишни янада такомиллаштириш тўғрисида"ги қарориди 21 май кунининг Кутубхоначилар куни деб белгиланиши, кутубхоначиларнинг кўп йиллик меҳнати ва ахборот-кутубхона соҳасини ривожлантиришга қўшган ҳиссаси учун муқофотланиши бу касбнинг нақадар шарафли ва ҳурмат-эътиборга лойиқ эканлигини кўрсатди.

Нигора ЛУТФУЛЛАЕВА, кутубхоначи-библиограф.

ПАХТАЧИЛИК СОҲАСИДАГИ МУАММОЛАР ЕЧИМИ АКС ЭТТИРИЛГАН



Раҳматулла Усмановнинг "Пахтачилик мажмуи ташкилий тизимлари кўрсаткичларини таҳлиллаш, синтез қилиш ва оптималлаштириш моделлари. Пахта муаммолари" китоби "Ridero" интеллектуал нашриёт тизимида ўтган йили чоп этилиб, интернет магазинларга жойлаштирилган. Китобда тизимли ёндашув асосида, "операцияларни текшириш"дан фойдаланиб, нима қилиш керак эмас, қандай қилиш керак деган саволларга жавоблар кўрсатилган.

Пахта тозалаш корхоналарида меҳнатни муҳофаза қилиш



Қўлланманинг Пахтачилик мажмуи ташкилий тизимлари кўрсаткичларини таҳлиллаш ва синтез қилиш моделлари бўлимида пахтачилик корхоналарининг техник-иқтисодий кўрсаткичларини таҳлиллаш ва синтез қилиш моделлари, пахта тозалаш корхоналарининг иқтисодий кўрсаткичларини шакллантириш, ишлаб чиқариш-техник параметрларини таҳлил қилиш кабилар келтирилган бўлса, Ташкилий тизимларни оптималлаштириш бўлимида оптималлаштиришнинг аҳамияти, унинг асосий босқичлари кўрсатиб ўтилган.



Муаллифнинг "Пахта мутахассислари, иқтисодчилар, инженерлар, раҳбар ва илмий ходимлар қўлланмадан иш фаолиятида фойдаланишлари мумкин.

тозалаш корхоналарида меҳнатни муҳофаза қилиш" китоб эса номи юқорида зикр этилган интеллектуал нашриёт тизимида жорий йилда чоп этилиб, интернет магазинларга жойлаштирилди. Унда пахта тозалаш корхоналари технологик жараёнлари ва усуналари хавфсизлиги, электр қурилмаларидан хавфсиз фойдаланиш, экологик хавфсизликни таъминлаш масалалари батафсил ёритилган бўлиб, корхоналарнинг иқтисодий хавфсизлигини таъминлаш муаммоси илк бор илмий асосланган нуктаи назардан келтирилган. Ўқув қўлланманинг меҳнатни муҳофаза

қилиш асослари бўлимида меҳнатни муҳофаза қилишнинг умумий масалалари, меҳнат шартномаси тарафларининг меҳнатни муҳофаза қилиш бўйича ҳуқуқ ва мажбуриятлари, корхоналарда меҳнатни муҳофаза қилишни бошқариш, корхона раҳбарларининг меҳнатни муҳофаза қилиш бўйича мажбуриятлари ва мавзуга алоқадор бошқа кўплаб жиҳатлар ўз ифодасини топган.

Уйлаймизки, мазуқ ўқув қўлланма ҳам соҳа вакилларига иш фаолиятида асқотади.

ВАТАНПАРВАРЛИК ЮКСАК ФАЗИЛАТ

Эътироф этиш жоизки, Янги Ўзбекистонда кечаётган конституциявий ислохотларнинг асосий мақсади ҳам инсонпарвар, демократик, ҳуқуқий, ижтимоий ва дунёвий давлатни барпо этиш ҳамда мустақамлаш, очик, адолатли ва баркамол фуқаролик жамиятини шакллантириш, мамлакатимизнинг барқарор ривожланишини таъминлаш, демократия ғояларига, ижтимоий адолат, эркинлик ва тенглик каби олий қадриятларга ўз содиқлигини ифода этишдан иборатдир.

Энг муҳими, конституциявий қонун лоийҳасининг фуқароларимиз фикри ва қўллаб-қувватлаши билан референдум асосида қабул қилиниши бу халқимиз хоҳиши-иродасининг яна бир амалий ифодаси бўлди. Давлатимиз раҳбари таъбири билан айтганда, "Конституциявий ислохотни фуқароларимиз фикри ва қўллаб-қувватлаши асосида, референдум орқали амалга оширсак, бу том маънода халқимиз хоҳиш-иродасининг ифодаси – ҳақиқий халқ Конституцияси бўлади".

Айни конституциявий ислохотлар юксалиб бораётган конституциявий ватанпарварликнинг ватандошларимиз руҳиятидаги, бир томондан, юртимиз равнақида бирлашчи асос бўлган амалдаги Бош қонунимизга садоқат, ишонч ва ҳурмат туйғуси билан йўғрилган ифодаси бўлса, иккинчи томондан, шиддат билан ривожланиб бораётган ҳозирги глобаллашув даври тақозоси ўларок, жамиятимиз тараққиёти бардавомлигини келажақда ҳам барқарор таъминлаш йўлидаги дахлдорлик ҳисси жўш уриб турган яна бир ҳаётий намунасиридир. Шундан келиб чиқиб бир қатор тақлиф ва фикр-мулоҳазалар билдириш мумкин. Ёшларни миллий ғоя ва Ватанга садоқат руҳида тарбиялаш, уларнинг қалби ва онгига Ватан ҳимояси шарафли ва муқаддас буюр эканини чуқур сингдириш, уларда миллий армияимизнинг қудрати ва салоҳиятига бўлган ишончнинг кучайтириш, ҳарбий хизмат ҳар бир Ўзбекистон фуқароси учун муқаддас буюр эканини, ёшларда ён-атрофимиз ва жаҳонда рўй бераётган сиёсий-ижтимоий жараёнларга

миллий манфаатларимиздан келиб чиққан ҳолда ёндашиш кўнжималарини ошириш, турли ички ва ташқи таҳдидларга қарши мафқуравий иммунитетни шакллантириш каби масалалар доимо муҳим аҳамият касб этади. Ўзбекистон манфаатларини нафақат ҳарбий соҳада, балки ҳаётнинг барча жабҳаларида ҳимоя қилишга тайёр туриш, юрт учун фидойи бўлиш бугунги кун талаби эканини ҳаётий мисоллар ва таъсирчан воситалар орқали ёшлар онгига сингдириб бориш шарт.

Дарҳақиқат, жамият ривожлангани сари катта аҳамият касб этадиган маънавий қадриятлардан бири бу ватанпарварлик туйғусидир. Ватанпарварлик она-юртининг, халқнинг тарихи ва тақдирини чуқур ҳурмат билан қарайдиган, Ватан манфаатлари йўлда фидойилик намуна-

ларини кўрсатишга қодир бўлган шахсларга хос фазилатдир. Ватанга, халққа бўлган ҳурмат, муҳаббат, ишонч туйғуси муайян умумий манфаатлар, мақсадлар асосида шаклланиб, кишиларнинг қалбидан чуқур ўрин олади ва фаолиятига таъсир этади.

Ёшлар Ватанимизнинг, миллатимизнинг келажагидир. Ватанимиз тақдирини уларга ишониб топшириш мумкин. Бунинг учун улар зиммаларига юклатилаётган энг мураккаб ва масъулиятли вазифани бутун моҳияти ила чуқур англашлари, унга ўзларининг хиссаларини қўшишлари лозим.

Ёшларни миллий ғоя ва Ватанга садоқат руҳида тарбиялаш, уларнинг қалби ва онгига Ватан ҳимояси шарафли ва муқаддас буюр эканини чуқур сингдириш, қадимий тарихимиз ва маданиятимиз, жоножон Ватанимизнинг мустақиллиги ва равнақи йўлида фидокорона курашган миллий қаҳрамонларимиз билан фахрланиш, уларга муносиб бўлиш туйғусини шакллантириш бугунги таълим-тарбия тизими олдда турган устувор вазифалардандир.

Фарида ШОКИРОВА, Тошкент тиббиёт академияси катта ўқитувчиси.

Ўзбекистон Матбуот ва ахборот агентлиги томонидан 2009 йил 13 февралда № 0020-рақам билан рўйхатдан ўтказилган. Ҳажми 2 босма табоқ, Офсет усулида босилди, қоғоз бичими А-2. НАШР ИНДЕКСИ – 144. Бюролма Ғ-540. 1788 нусхада чоп этилди.

Манзил: 100000, Тошкент, Матбуотчилар кўчаси, 32-уй. Телефонлар: Қабулхона – (0-371) 236-26-50, 233-09-93, 95-080-43-70, 99-050-69-45. Реклама ва эълонлар – (0-371) 236-26-50, (0-371) 233-28-04. e-mail: infoqishloqhayoti@mail.ru Баҳоси келишилган нарҳда.

Qishloq hayoti
МУАССИСЛАР:
Ўзбекистон Республикаси Вазирлар Маъкамаси комплекси таркибидидаги ҳамда бошқа дахлдор вазирлик ва идоралар.
Бош муҳаррир: Чори ЛАТИПОВ

Таҳрир ҳайъати:
Шавкат ҲАМРОЕВ, Азиз ВОИТОВ, Мухаммаджон ТОШБОЛАЕВ, Актам ҲАЙТОВ, Маҳмуд ТОИР, Ҳабиб ТЕМИРОВ (бош муҳаррир ўринбосари), Раимқул СУЯРОВ (бош муҳаррир ўринбосари).
Саҳифаловчи-дизайнер: Маркс ЮСУПОВ

Газета "Шарқ" нашриёт-матбаа акциядорлик компанияси босмахонасида босилди. Манзили: "Буюк Турон" кўчаси, 41-уй. 1 2 3 4 5 6

ISSN 2010-7021
Босишга топшириш вақти: 21.00
Босишга топширилди: 21.10

MAXAM-CHIRCHIQ
SHOSHILING!!!
Kaltsiy va magniy mikroelementli
AMMIAKLI SELITRA
Birja savdolarida

MgO Magniy
N-34,4%
Ca Kaltsiy

Mahsulot sertifikatlangan № UZ.SMT.01.080.64398163 GOST 2-2013

Manzil: Toshkent viloyati Chirchiq shahri Toshkent ko'chasi 2-uy.
Tel: +998 (7071) 6-25-20, 6-34-40, 9-35-08.
Faks: +998 (7071) 6-40-79, 6-55-46, 6-45-57.
info@maxam-chirchiq.uz
www.maxam-chirchiq.uz